

III – AKTI OPĆINSKOG NAČELNIKA

BOSNA I HERCEGOVINA
FEDERACIJA BOSNA I HERCEGOVINA
ZENIČKO-DOBOJSKI KANTON
OPĆINA ZAVIDOVIĆI
- OPĆINSKI NAČELNIK –

Broj: 02-27-1711/'10

Datum, 06.04.2010.godine

Na osnovu člana 26. stav 3. i člana 29. Odluke o bezbjednosti i organizaciji saobraćaja na cestama općine Zavidovići („Službeni glasnik Općine Zavidovići“ broj 6/2008 i 10/2009) i člana 39. Statuta Općine Zavidovići („Službeni glasnik Općine Zavidovići“ broj 5/2008 i 5/a/2008), Općinski načelnik d o n o s i

P R A V I L N I K

o postupku davanja na korištenje javnih parkirališta

OPĆE ODREDBE**Član 1.**

Ovim Pravilnikom regulisan je postupak raspisivanja javnog oglasa za dodjelu na korištenje javnih parkirališta, podnošenje prijava na javni oglas, sadržaj prijava, imenovanje i sastav komisije za odabir najpovoljnijeg ponuđača za davanje na korištenje javnih parkirališta (u daljem tekstu Komisija), nadležnost Komisije, kriteriji za odabir najpovoljnijeg kandidata za dodjelu parkirališta, pravo na pravni lijek, zaključivanje ugovora, kriterije za utvrđivanje cijene parkiranja i ostala pitanja značajna za provođenje postupka dodjele parkirališta pravnim licima radi pružanja usluga i održavanja javnih parkirališta uz naplatu, rezervaciju parking prostora za stanare i vlasnike poslovnih prostora.

Član 2.

Definicije upotrijebljene u ovom Pravilniku imaju isto značenje kao što imaju definicije upotrijebljene u odredbama Odluke o bezbjednosti i organizaciji saobraćaja na cestama općine Zavidovići (u daljem tekstu Odluka).

**DODJELA PARKIRALIŠTA NA KORIŠTENJE
I ZAKLJUČIVANJE UGOVORA O KORIŠTENJU PARKIRALIŠTA****Član 3.**

Javna parkirališta na kojima je Odlukom propisano da se plaća naknada mogu se dati na korištenje pravnim licima registrovanim za pružanje usluga parkiranja na period od najmanje 5 godina i to:

- prostor ispred ABC blokova prema ulici "Alije Izetbegovića",
- prolaz između Pošte i pasaža lamele IV Naselja "Stadion" u ulici «Dobrovoljnih davalaca krvi»,
- prostor sa obje strane u ulici "Maršala Tita" i ispred "Starog hotela", te kod bivše rampe,
- prostor sa desne strane ulice «Tvornička»,
- prostor ispred lamela "Klek",

- prostor ispred naselja Stadion prema ulici "Gazi Husrev-begova",
- prostor ispred naselja "Branioci grada",
- prostor ispred hotela "Kristal", osim dijela parkinga za goste hotela,
- prostor između salona namještaja i ulice "Mehmed Paše Sokolovića", do realizacije Regulacionog plana "Centar 1",

Rješenje o pokretanju postupka dodjele javnog parkirališta na korištenje donosi Općinski načelnik.

Član 4.

Izbor pravnog lica za dodjelu parkirališta na korištenje vrši se na osnovu javnog oglasa koji najmanje sadrži:

- naziv parkirališta sa jasnim opisom lokacije,
- broj parking mjesta sa skicom lokacije,
- pravo učešća,
- detaljan opis ugovornih obaveza iz člana 12. ovog Pravilnika,
- sadržaj prijava,
- početna naknada za dodjelu parkirališta,
- rok i način podnošenje prijava,
- obavještenje o pravu prigovora,
- obavještenje o načinu dobivanja dodatnih informacija

Javni oglas iz stava 1. ovog člana raspisuje Služba za upravu ekonomskih poslova i poduzetništva. Na tekst Javnog oglasa Općinski načelnik daje saglasnost.

Član 5.

Prijave za dodjelu parkirališta podnose se u zatvorenoj koverti u roku 15 dana od dana objavljivanja javnog oglasa na oglasnoj tabli Općine Zavidovići.

Član 6.

Prijava se podnosi na obrascu koji sadrži naziv, sjedište, identifikacioni broj i kontakt telefon ponuđača i iznos naknade za period od 5 godina.

Uz prijavu se prilaže ovjerena fotokopija rješenja o upisu u sudski registar i dokaz o uplaćenju kauciji u iznosu propisanom javnim oglasom.

Član 7.

Postupak odabira najpovoljnijeg ponuđača za dodjelu parkirališta na korištenje sprovodi Komisija od tri člana koju imenuje Općinski načelnik.

Komisija je dužna u roku 5 dana od dana isteka roka za podnošenja prijava na javni oglas sačiniti listu ponuđača.

Član 8.

Prednost za dodjelu parkirališta na korištenje imaju pravna lica sa sjedištem u Zavidovićima čiji je osnivač udruženje boračkih populacija sa sjedištem u Zavidovićima (u daljem tekstu: pravno lice boračkog udruženja).

Prvenstvo dodjele parkirališta između dva ili više pravnih lica boračkih udruženja utvrđuje se na osnovu broja nezaposlenih demobilisanih boraca koje će zaposliti na poslovima pružanja usluga parkirališta prijavljenih kod Biroa za zapošljavanje Zavidovići.

Član 9.

Ukoliko na javni oglas ne budu podnesene prijave pravnih lica boračkih udruženja, prvenstvo dodjele parkirališta na korištenje utvrđuje se na osnovu veće ponuđene cijene korištenja parkirališta.

Član 10.

Komisija je nadležna da izvrši otvaranje svih podnesenih prijava, utvrdi blagovremenost i potpunost prijava, izvrši rangiranje prijava te objavi listu ponuđača na oglasnoj tabli Općine Zavidovići u trajanju 8 dana.

Član 11.

Svi podnosioci prijava mogu podnijeti Općinskom načelniku prigovor na listu ponuđača u roku 8 dana od dana pribijanja liste ponuđača na oglasnoj tabli Općine Zavidovići.

Nakon rješavanja po prigovorima ili istekom roka za podnošenje prigovora kada prigovor nije izjavljen, Općinski načelnik donosi konačnu listu ponuđača koju objavljuje na oglasnoj tabli Općine Zavidovići u trajanju od 8 dana.

Član 12.

Korištenje parkirališta regulisat će se posebnim ugovorom koji će se zaključiti između Općine Zavidovići i odabranog pravnog lica nakon donošenja konačne liste ponuđača i njezine objave na oglasnoj tabli Općine Zavidovići.

Ugovor iz prethodnog stava ovog člana sadrži:

- naziv, sjedište, identifikacioni broj ugovornih strana,
- predmet ugovora sa jasnim opisom lokacije parkirališta sa prilogom skice parkirališnih mjesta,
- period trajanja ugovora,
- visina ugovorne naknade, način i rokovi plaćanja naknade,
- način prestanka ugovora prije isteka ugovornog perioda sa posljedicama takvog prestanka ugovora,
- obavezu korisnika parkinga o održavanju parkinga i postavljanja horizontalne i vertikalne saobraćajne signalizacije,
- obavezu korisnika parkirališta o visini i načinu ulaganja sredstava u parkiralište,
- ostala pitanja značajna za predmet ugovora.

U slučaju da ugovor bude zaključen sa pravnim licem boračkog udruženja, naknada iz prethodnog stava alineja 4. se utvrđuje u iznosu početne naknade.

NAKNADA ZA PARKIRANJE**Član 13.**

Naknada za parkiranje na parkiralištima na kojima je Odlukom propisano da se plaća naknada iznosi 1,00 KM po satu za putnički automobil i 2,00 KM po satu za teretno motorno vozilo, autobus i građevinsku mašinu.

Dnevna karta za korištenje parkirališta iznosi 5,00 KM za putnička vozila i 10,00 KM za teretno motorno vozilo, autobus i građevinsku mašinu.

Naknada za parkiranje plaća se u vremenu od 07,00 do 20,00 sati u skladu sa Odlukom.

Član 14.

Naknada za rezervisanje parkirališnog mjesta za jedan mjesec iznosi :

- 30,00 KM za putničko vozilo u vlasništvu ili na korištenju fizičkog lica,
- 40,00 KM za putničko vozilo u vlasništvu ili na korištenju pravnog lica
- 50,00 KM za teretno motorno vozilo, autobus i građevinsku mašinu u vlasništvu ili na korištenju fizičkog lica,
- 60,00 KM za teretno motorno vozilo, autobus i građevinsku mašinu u vlasništvu ili na korištenju pravnog lica.

Rezervacija parkirališnog mjesta može se izvršiti najduže za jednu godinu pri čemu naknada iznosi:

- 100,00 KM za putničko vozilo u vlasništvu ili na korištenju fizičkog lica,

- 150,00 KM za putničko vozilo u vlasništvu ili na korištenju pravnog lica,
- 200,00 KM za teretno motorno vozilo, autobus i građevinsku mašinu u vlasništvu ili na korištenju fizičkog lica,
- 250,00 KM za teretno motorno vozilo, autobus i građevinsku mašinu u vlasništvu ili na korištenju pravnog lica.

Član 15.

Naknada iz člana 12. ovog Pravilnika umanjuje se za 50% kada parkirališno mjesto rezervišu fizička i pravna lica koja imaju prebivalište ili sjedište u ulici u kojoj se naplaćuje parkiranje.

Član 16.

Naknade utvrđene ovim Pravilnikom plaćaju se davaocu usluga parkirališta.

Rezervacija parkirališnog mjesta uređuje se ugovorom između davaoca usluga parkirališta i korisnika parkirališta.

Jedan primjerak ugovora o rezervaciji parkirališta dostavlja se Poreznoj ispostavi Zavidovići.

ZAVRŠNE ODREDBE**Član 17.**

Parkirališta koja su dodijeljena pravnim licima na korištenje radi pružanja usluga parkiranja zadržavaju pravo korištenja parkirališta do izbora davaoca usluga parkiranja u skladu sa Odlukom i ovim Pravilnikom uz srazmjerno plaćanje nakande za period od prestanka važenja ugovora o dodjeli parkirališta na korištenje pa do izbora novog korisnika parkirališta.

Član 18.

Na parkiralištu između salona namještaja i ulice "Mehmed Paše Sokolovića", prvi red parkirališnih mjesta neposredno uz ulicu «Mehmed paše Sokolovića» rezervisan je za parkiranje vozila zaposlenih Općine Zavidovići, Porezne ispostave Zavidovići, Ministarstva unutrašnjih poslova ZDK, Policijske uprave Zavidovići kao i za vozila zvaničnih delegacija u posjeti, vladinih i međunarodnih organizacija i oslobođeni su plaćanja naknade za parkiranje i rezervacije parkirališnog mjesta.

Član 19.

Ovaj Pravilnik stupa na snagu danom donošenja i bit će objavljeni u „Službenom glasniku Općine Zavidovići“.

Stupanjem na snagu ovog Pravilnika prestaju da važe Kriteriji za utvrđivanje naknade za parkiranje na javnim parkiralištima općine Zavidovići broj 02-27-3780/08 od 26.09.2008. godine.

OPĆINSKI NAČELNIK

(M.P)

Hakija Osmić, dipl. ecc, s.r.